


Dov maanan giele

Maanan voestemes golme jaepiej, dihte fåantoem jijtse gilese tseegkie. Dihte aalka altese gielem evtiedidh joe eannan aalka soptsestidh. Goh eejhtege, datne sjiere diedtem åtnah. Soptsesth, laavloeh, föörhkedh jñ lohkh dov maanine! Nuhtjh dov ietniengielem. Maana maahta gellie gielh seamma aejkien lieredh.



Bokstart

Bokstart [Gærja-aalkoe] lea nasjovneles däärjoehtimmie eejhtegidie jñ geerve almetjide mah onne maanaj lihke (0-3 jaepien båreries), mij sæjhta aareh giele-evtiedæmman skreejrehtidh.
bokstart.se

Gïeline aalka


Mannasinie vihkeles maanan gïele-
evtiedæmman skreejrehtidh? Dan diete
goh gïele lieremen fãantoem tseegkie.
Lissine gïele relasjovnem nænnoste datne
dov maanan gaskem.

Stååkedimmine gïelem åvtese buakta

Eannan maana lierieh baakoejgumie
soptsestidh, ovmesse tjoejh nuhtjeh goh
gïele, jïh dovne tjuevtjiehtieh jïh goltelieh.
Heerehth dov maanan tjoejh, vaestedh
baakoejgumie jallh luste plierine.

Soptsesth dan bijre maam lidien darjoeminie

Soptsesth dan bijre maam lidien
ektesne darjoeminie, vg. laavkodh jallh
buvresne minnedh. Dellie maana joe
tsåatskelesvoetem dutnjien vuesehte jïh
dejtie aatide mejtie datne buerkesth jïh
dellie aelhkebe sjædta orre baakojde
lieredh.



Vedtieh orre baakoeh maanese

Jiehtieh dam maam maana lea jiehteme
ikth vielie jïh lissehth naan baakoeh. Jis
maana "vuartesjh gætïe" jeahta, dellie
maahta jiehtedh "jaavoe, vuertesjh dam
stoere viskes gætïem". Nuhtjh orre baakoeh
ovmesse tsiehkine. Maahtah jiehtedh:
"Dellie edtjebe sjeakodh. Sjeakohth dov
gaevnieh! Vuartesjh amma, aehtjie sjyöke.
Maahtah maanam viehkïehtidh sjeakodh?"

Tadterosth

Tadterosth jïjtjedh svïhtjedimmieh, plierem
jïh tjoejenassh. Dellie aelhkebe maanese
sjædta datnem guarkedh. Maahtah
gietigumie vuesiehtidh man stoere mij-
akt lea. Jallh vueseht kråahpine datne
gåaloemine gåessie tjåeskies lea. Jiehtieh
orre jïh vihkeles baakoeh tjïelke-laakan.
Vuesiehtimmien gaavhtan "Vuajnah goh
dam tjoevkem?"

Gihtjh daamtaj

Gihtjh ovmesse vukeiejgumie. Maahtah
gyhtjelasse-baakojde nuhtjedh, vg. "Gusnie
klaase?", dellie maana maahta vaestiedassese
tjuevtjiehtidh. Jis ij maana svåårh, maahtah
jïjtje vaestiedidh – dellie vueseht guktie
maahta baakojde nuhtjedh.

Jiehtieh "Rontestem"

Sijjeste "mejtïe hierkie nyölke?" gihtjedh,
maahtah "rontestem maam hierkie edtja
daelie darjodh?" jiehtedh. Dellie gyhtjelasse
latjkebe sjædta, jïh naemhtie maahtah aaj
maanam vijrebe vaestiedassese skreejrehtidh.